

上冊

名勝
剡宇

園林
慶賀

祠廟

古今聯語彙選三集

商務印書館發行

武進胡君復編輯

古今聯語彙選三集

上册

名勝圖志
卷之三
藏

商務印書館發行

古今聯語彙選三集目次

名勝

園林

祠廟一

祠廟二

剝宇

慶賀

哀挽一

哀挽二

哀挽三

哀挽四

哀挽五

哀挽六

廨宇

學校

會館

戲臺

雜題一

雜題二

雜題三

投贈一

投贈二

諧謔

諺語

雜綴

本館聯語一門絡繹采輯刊行不啻淵海茲彙錄書名於後

聯語三話

長樂梁章鉅著

聯語四話

長樂梁恭辰著

巧對續話

同前

絲桐館集聯

貴筑楊調元著

集聯彙選初集

武進胡君復著

集聯彙選二集

同前

古今聯語彙選初集

同前

古今聯語彙選二集

同前

古今聯語彙選三集

同前

古今聯語彙選四集

同前

古今聯語彙選補編

同前

古今聯語彙選三集

名勝

六安汪衡齋先生之曾祖蟠春公題金陵翠微亭

聯

大江拖白練 鍾阜起蒼煙

彭剛直題金陵莫愁湖聯

山色慣迎逃世客 水聲常送渡溪僧

又長沙羅蔗丹聯

管領湖山屬兒女 平分樓閣坐王侯

又李達權聯

我非好弈亦登樓 看六朝牘局殘棋青山
送盡英雄骨 客爲消閑來打槳喜十里

古今聯語彙選三集 名勝

平湖皓月荷花照出美人魂

又徐執璠聯

說甚麼英雄自古迄今這一箇湖名偏屬
兒女 幸留得我輩探幽選勝看六朝山
色來上樓臺

又吳文杰聯

樓中尙有英雄像 湖上空懷兒女情

又毛乃庸聯

誰作人豪與君爭席 卿如不死爲我澆
愁

又秦山高聯

今古萬斛愁得五千斛是奇才欲喚莫愁
一消遣 聖賢幾杯酒飲三百杯爲豪士

聊憑此酒共登臨

又某君聯

渺渺一湖千卿甚事 茫茫萬古與爾同

銷

又徐淮生聯

湖光山色依然問海燕雙雙飛向何處
古往今來如此看秋燐點點閃過空林

又新會李淡愚聯

君臣相悅遑論輸贏誰知開國帝王笑把
湖山當孤注 兒女多情易生悲感願祝
凝粧少婦飽餐風月不知愁

又泰州王子實太史聯

恨我晚來遊只落得萬柄枯荷一湖秋水

問誰能不朽除非是六朝兒女千古英雄

又湘潭黎福昌聯

我獨攜半卷離騷借秋水一湖來把牢愁
盡澆 君試讀六朝樂府有美人絕代要
偕名士爭傳

又韓國鈞聯

江山再劫收拾殘棋好憑湖影花光洗盡
餘氛見林壑 樓閣周遭遮低徊靈跡中有
美人名將平分片席到煙波

白下兩遭兵燹韓公發帑脩葺煥然一新

南京周處嘉聯

大屋不畫龍蛇待名士來題詠者 今世

復多蛟虎願將軍出斬除之

又聯

進德之猛成仁之偉歸宿在讀書七十葉
喬木清華此爲何年遺址 鐵城一角赤
石一卷馨香逾卅土三千里大江來去更
有幾座高臺

下署六十一世孫學源敬獻

秦淮風月亭聯

絮雪撲簾櫳花氣酒香楊柳旗亭春擲笛
麴塵生浦淑衫歌袖舞烟波畫舫晚鳴
榔

金陵清涼山掃葉樓爲清初託迹僧雙半千舊居

卽龔氏半畝園內懸掃葉僧像像有跋題云龔

古今聯語彙選三集 名勝

賢號野遺上元人能詩工畫蘭明季亂遊四方

晚歸金陵築半畝園於清涼山自號半千不仕

自繪像如僧狀名居曰掃葉樓爲光緒丁未江

寧陳作霖題又有端句齋丁未十一月爲星樞

上人書聯云

不殊風景猶如昨 獨立蒼茫自詠詩

又東台戈銘獻丁未春題聯云

作葉與葉想作非葉想作非葉卽葉想庶
幾乎掃葉 有涼之涼時有不涼時有不
涼而涼時是故曰清涼

又張通讓聯

古寺話齊梁大好江山來振錫 餘情寄

詩畫想當風雨快揮毫

古今聯語彙選三集 名勝

四

又李梅庵集泰山經石峪字聯云

果實三千歲 蘭香十二時

又聯

此語深有味 我心靜不波

又易順鼎聯

老不白頭因水好 冬猶赤腳爲師高

原跋云心悟上人言此山有還陽井泉井旁居民

飲此泉雖老無一白頭者又嘗居廬山九峯寺其

徒年六十雖冬月亦赤腳夢湘曾見之己酉六月

朔余與夢湘及由甫六弟遊此山上人出紙索書

因撰此聯以贈云

又湘潭楊哲子聯

每因憑眺傷時局 獨倚江山念古人

又楊寶壬聯

半千掃葉樓千古 六一畫蘭詩一囊

又壽田聯

二水三山常在眼 一僧七子俱有情

原跋云星悟乞詩壽援筆應之有却向人間乞詩

句知有天凡未了情句

又魏馥集蘇句聯

屋對江山如畫靜 氣含蔬筍到公無

又安化李燮和聯

帶甲滿天地詞賦動江關惟戰士文人到

此偏多千古恨 煙波渺何處齊魯青未

了祇湖光山色而今猶是六朝時

又某君聯

欲窮千里目 來看六朝山

又徐淮生聯

登樓始悟浮生夢 久坐唯聞落葉聲

又某君聯

片雲灑落依禪定 萬竹瀟瀟作雨聲

徐淮生題谿濠樓聯

作消夏閒人皓月升時破隔岸林烟沾來
桑落 是納涼天氣好風起處吹過江山
雨飛上荷花

又聯

雲邊山影閒中換 天外江聲畫裏流

陳寅谷題鎮江彭公閣聯

水天一色 梅竹雙清

古今聯語彙選三集 名勝

閣下植梅竹

林紹年題鎮江文殊閣聯

人間歲月如流水 鏡裏雲山似畫屏

又聯

江山如畫 魚鳥親人

清道人集鶴銘字題鎮江東來閣聯云

留江山不朽 得華石相於

又任伊聯

檻前一帶滄江不古不今圖畫 簾外數

聲啼鳥非絲非竹笙歌

又彭剛直聯

鷹島白浮空月湧江流閒鶴夢 象山青

入座潮來窗外有龍吟

五

古今聯語彙選三集 名勝

六

又陳寅谷集曹全碑字聯云

爲愛涼風開北戶 因芟殘葉見南山

彭剛直集句題鎮江東昇樓聯云

風露滿江秋萬頃 晴波濯星斗 雲霞出

海曙九霄瑞靄耀乾坤

又吳家勝聯

紅透雲霞看日上 青連天地覺潮來

曾煥題鎮江石肯堂聯云

水清石白焦公之宅 米襄陽銘 紙帳山蔬

彌勒同龕蘇玉局詞

又姚元之聯

海日初梔白 秋烟斷岸青

康南海題鎮江多景樓聯云

江淘日夜東流水 地聳英雄北固樓

又曲阜孔祥麟因感甲子事題聯云

北固暫停驂縱我雙眸看無邊風月 東

瀛方用武問誰隻手扶第一江山

丁紹周集句題金山塔聯云

我輩復登臨舊業已隨爭戰盡 江山留

勝跡天風常送海潮來

徐致祥學使由四川赴浙江迂道游金山留一聯

云

適從山水窟中來秋色可人征袂猶沾巫

峽雨 欲向海雲深處住郵程催我扁舟

又趁浙江潮

陳驥卿題揚州小金山月觀聯云

今月古月皓魄一輪把酒問青天好悟滄
桑小劫 長橋短橋畫闌六曲移舟泊烟
渚可堪風柳多情

又劉湛年集詞聯

好句屬吾曹幾度閒吟正綠翦烟蕪紅吹
雲樹 憑闌剛落日千年此地有泉名第
五花種無雙

揚州產芍藥最有名第五泉在平山堂下

江都徐理菴題揚州小金山聯云

仍從水竹開軒免辜負十里春風二分
月 偶向湖山放櫂好領畧紅橋烟雨白
塔青雲

吳清卿題來青閣聯

古今聯語彙選三集 名勝

畫聖兼宗南北派 地靈雄占東西湖

又翁松禪聯

題樓喜見新堂構 鈴璫長留小印泥

又陸鳳石聯

昔曾閉戶營丹嶂 今識留耕印墨圖

北固山祭江亭有聯云

客心洗流水 盪胸生層雲

蘇東坡題鎮江北固山石飄樓聯云

雲涌樓臺出天上 風搖鐘磬落人間

丹徒趙曾望題北固山聯云

爲孫劉三分遺跡徑將北府招來人事幾
回紅亭白塔皆稱古 愛蕭梁六字嘉名
仍把南朝送我去我聞一笑綠水青山無恙

不

鎮江焦山有所謂四面佛者爲山之最高峰鑿山

壁爲四佛像雕鑿絕精揚州方地山題聯云

面面相窺佛也須有靠背 高高在上人
到此卽回頭

丹徒趙曾望題焦山聯云

得瘞鶴銘而拓之見入法中第一真書始
知翰墨精華任鬼忌神謀不及山靈呵護
問瓜牛廬誰繼者數兩漢後無雙國士
若論烟霞痼癖惟公賓我主庶幾水乳交
融

邗江城樓有聯云

傑閣鎮層城看山雨江雲朝飛暮捲 淮

流當佛面對春風秋月汐去潮來

揚州平山堂風稱名勝堂之西有第五泉水味濃

厚其南則有梅數十本爲歐公讀書處某君題

聯云

吾曹久矣不相見 此際飄然何所思

又聯

歌吹有遺音溯坡老重來此地唱殘楊柳
曲 宦游留勝蹟訪先生手植幾時開到
玉蘭花

又聯

好續勝游來白髮催人莫把韶光輕擲去
不知征戍苦青山向我無多塊壘已刪

平

又聯

雲中辨江樹 花裏弄春禽

又李郁華聯

一徑入烟寺 衆香聞妙天

又聯

借江南山提入襟袖 訪太守蹟如遇旌

旌

康山草堂在揚州新城因明康對山寓此得名有

手植辛夷一株清高宗題聯云

奇花二月之中遇 古木千秋以上論

郭柏蔭題滄浪亭聯云

漁笛好同聽羨諸君判牘餘閒清興南樓
追庾亮 塵纓聊一濯擬明日刺船竟去

古今聯語彙選三集 名勝

遙情滄海契成連

虎丘爲吳中第一名勝春秋佳日中外士女游覽

者途爲之塞李文忠祠建於山麓某年祠宇落

成金闕門外馬路新開城內滄橋濱一帶妓寮

爲官廳驅逐出城一轉瞬間荒涼寂寞之區崇

樓傑閣突映眼簾矣吳縣吳靖瀾兆烈題聯云

崇祠壯輪奐儘當年紆紫拖金春夢一場

都付斜陽流水除眞孃墓問誰爲摩挲碑

碣憑弔幽魂艷迹話南朝偏賺得名士美

人樽酒頻澆青草塚 小劫歷滄桑賸今

日頽垣敗井蘇臺片壤幻成海市蜃樓出

闔閭城又添了熱鬧鶯花撐持香國俊游

懷北里知定有畫船簫鼓醉歌來訪白公

隄

清高宗南巡虎丘行宮有聯云

風聲滿徑竹鏗爾 春氣入林花翳如

又聯

氣清松竹有餘韻 雨足湖山是處佳

又天甯寺行宮聯

樹將暖旭輕籠牖 花與香風並入簾

虎丘有聯云

永憶江湖歸白髮 欲迴天地入虛舟

長白嶽題虎丘山月駕軒聯云

一水碧盈尊掃石誰參清遠句 四山清

入坐騎雲合作廣寒遊

吳門萬笏山白雲泉亭有聯云

萬笏皆從平地起 一峯常插白雲中

清高宗題穹窿山聯云

太湖萬頃在襟袖 穹窿億丈陵星辰

快風開在吳江廬山山小如培塿張琮有聯云

快哉風與庶民共 今夫山一拳石多

吳江鱸鄉亭有聯云

舊址難尋相距八百二十年之久 高風

可仰總在三萬六千頃之間

玳浦碧霞山丹徒趙曾望初遊時有紅梅一株花

朶爛開色若丹砂同人噴噴稱賞後爲蠶蝨其

根遂萎山間少一勝景矣然長隄爲臂烟波四

環亦足裕塵襟助遠眺癸未重九曾望復偕張

渭卿少尉同往登高適晤錢塘王古香司馬心

源胡韻梅參軍珍戴桐舫明經元謙茶話甚歡

徧觀壁間聯句無佳者因題聯云

雲間鈴語雪後鐘聲記梅鬢開時我來東
海 山綴空青水浮軟綠指瓜皮搖處人
在西湖

海州雲臺小望日樓有聯云

樓觀滄海日 臺接鳳凰雲

徐州雲龍山有聯云

大地俯青徐看殘落日平原百戰河山誰
楚漢 孤亭環紫嶂倚徧疎簾畫檻千秋
風月共蘇張

徐州雲龍山放鶴亭有聯云

於東山之麓升高得景放鶴適其所隱
比西湖之嶼隨處皆梅作亭名亦相宜

古今聯語彙選三集 名勝

張君一題南通文峯塔聯云

靈秀孕璇樞數仞宮牆同仰止 文明資
砥柱萬方兵革此登臨

寥園主人題狼山望海樓聯云

樓觀滄海日 江入大荒流

又徐淮生聯

日色遠浮山翠起 風聲倒捲海濤來

又王子實太史聯

江海鎮分流一塔支雲到此潮頭皆下拜
東南窺勝境五峯接壤讓他丰骨獨高
騫

唐張祐惠山題壁聯云

小洞穿斜竹 重街夾細莎

古今聯語彙選三集 名勝

宋蘇軾惠山廬崖聯云

石路縈迴九龍脊 水光翻動五湖天

高忠憲公水居遺址有聯云

入水不濡至人練性如明月 裁湖作漳

今古漁歌滿夕陽

又聯

先生乃與水終始 茲樓獨峙天東南

又可樓聯云

後左徒三千年謫宦歸來聊尋漁父濯纓
樂 接太湖三萬頃涼波浩渺曾照孤臣

戀關心

無錫惠山二泉亭聯云

試第二泉且對明亭黯寶 攜小團月分

嘗山茗溪茶

又聯

奇蹟比中冷回思萬馬浮江洗甲銀河猶

昨日 嘉名分上苑曾見六龍駐輦題詩

瓊島憶春陰

又徐淮生聯

出地清泉甘似醴 雨花寶石便能奇

無錫萬頃堂孫似方聯云

簫鼓迎神百道風帆來管社 詠觴脩禊

幾人墨妙寫蘭亭

又秦寶瓊聯

眼前圖畫新開大箕山小箕山列岫晴湖
不數癡翁留妙筆 世外仙源誰是東管

社西管社紅塵翠麓可有漁郎來問津

又袁克文聯

几席三山萬頃波濤疑海上 湖天一閣

重陽風雨是江南

戊午冬余有錫山之行與同人游此亦題聯云

淘浪何年美人駿馬有餘思 此山不語

雲水天風豁古愁

堂側有古項王廟故云

又聯

鷗鷺往來清風泛千尊俎 雲烟奇闊秋

星幻作蛟龍

錫山石浪菴有聯云

五里湖光七層塔影 幾排石浪半嶺松

聲

虞山讀書臺聯

五六月間無暑氣 百千年後有書聲

頃見新申報雜俎門有署名曰霞者云虞山東麓有讀書臺相傳爲梁昭明太子讀書處臺高丈餘深廣二方丈中度太子石像背臨深泉泉水冷碧有碑曰洗墨池池畔瘦竹千竿風來颯颯成韻億予就學某校時每於日薄崢嶸時挾書登臺塵襟爲之盡滌三年前予偶題出聯於壁云五六月間無暑氣同學爲屬對多無佳句今臺旁起舍設立女校予足不履斯臺三閱寒暑上月偶登太子臺摩挲聯句依然也其下忽有聯對云百千年後有書聲此天籟也惜不署名爲之悵然按此聯對句固佳出句亦妙此等文字爲名山勝地生色不少